

諭旨

戊申二月全

上諭郵傳部左參議著李經楚補授欽此 二月初一日

上諭山東巡撫著袁大化署理欽此 ○上諭河南布政使著朱壽鏞調補陝西布政使著王人文補授欽此 ○上諭廣東

按察使著魏景桐調補世增著補授雲南按察使欽此 ○上諭山東兗沂曹濟道著丁達意補授欽此 初三日

上諭禮部奏大員鄉舉重逢請旨加恩一摺大學士孫家鼐早年登第由翰林入直毓慶宮繼綜部務晉贊綸屢近來日

侍講筵精神矍鑠該大學士鄉舉重逢適周花甲洵屬藝林盛事加恩著賞給太子太傅銜以惠耆臣欽此 ○上諭趙爾

巽著調補四川總督湖廣總督著陳夔龍調補均著迅赴新任毋庸來京請訓欽此 ○旨趙爾巽著賞給尚書銜作為駐

藏辦事大臣照例馳驛前往仍兼邊務大臣欽此 初四日

旨奈曼札薩克多羅郡王蘇珠克圖巴圖爾著加恩賞挑御前行走欽此 初五日

上諭聯魁奏特參貧劣不職各員請旨懲處一摺地方官經徵錢糧豈容額外私加火耗據該撫奏稱焉耆府知府聞端

蘭等均有浮收弊竇實屬膽大妄為自應嚴加懲處新疆焉耆府知府聞端蘭署輪台縣知縣准補昌吉縣知縣蔭錫著

沙雅縣知縣准補綏來縣知縣李徵高署烏什廳同知候補同知胡賜福署英吉沙爾廳同知候補通判黎丙元葉城縣

知縣易潤庠卓康縣知縣巨國柱均著即行革職並著查明浮收各款勒限追繳易潤庠前在署任及本任內欠解公款

甚鉅並將任所資財及原籍家產一併查抄備抵餘著照所議辦理該部知道欽此 ○旨廩生張愿著內用截取繁缺知

府度支部郎中王汝純著照例用欽此 ○旨山東萊蕪縣知縣張蘭思直隸阜城縣知縣李常廩安徽繁昌縣知縣楊兆

諭旨

十九

戊申

斌河南淇縣知縣左質恆江西饒州府通判李兆麟四川納溪縣知縣葛蔭覃甘肅伏羌縣知縣紀毓蘭河南懷慶府知府薛啓鴻直隸廣昌縣知縣朱德垣四川彭山縣知縣李魁河南臨潁縣知縣陶璿浙江東陽縣知縣廖鳴韶四川大甯縣知縣侯錫彤福建政和縣知縣李樹森四川巫山縣知縣潤和四川內江縣知縣慶福福建甯縣知縣陳鳳恩均堪以准其補授改就知州理藩部員外郎恆鈺堪以知州分發省分補用擬補內閣中書朱紱劉啓瑞福建漳浦南場鹽大使鍾瑜均堪以准其補授揀選二等舉人左攀龍李吉人均堪以直隸州州同鹽庫各大使掣用奏留吏部七品小京官齊徵堪以准其留部欽此 初六日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨領侍衛內大臣八旗滿蒙漢都統副都統前錄護軍統領散秩大臣總管內務府大臣三院卿各旗參領等應得養廉銀兩均著加恩仍照十成發給欽此○上諭李經邁著調補河南按察使江蘇按察使著左孝同調補均著迅赴新任毋庸來京請訓欽此○上諭禮部左侍郎著于式枚調補未到任以前著郭曾忻署理欽此○上諭郵傳部右侍郎著盛宣懷補授欽此○諭旨御前行走御前侍衛乾清門行走前已賞過津貼銀二千兩著改爲每員每月賞給津貼銀一百兩由度支部給發欽此 初七日

上諭初六日召見之翰林院編修郭立山著以應陞之缺開列在前欽此 初八日

上諭張仁黼現在請假吏部右侍郎著吳郁生署理欽此○上諭郵傳部右侍郎盛宣懷著仍充會辦商約大臣前赴上海妥協經理欽此○上諭盛宣懷現在出差郵傳部右侍郎著沈雲沛署理欽此○上諭雲南迤西道黃丙焜著發交北洋大臣差遣委用欽此 初九日

上諭甘肅新疆阿克蘇鎮總兵員缺著查春華補授欽此○上諭向來問刑衙門承審案件完結各有定限乃近來官吏

積習於訟獄一事罕能實心清理或聽信胥役稟傳多人或怠惰安逸傳案不訊或讖見昏憤聽斷無才或瞻顧不斷靜待和息以致羈累甚多結案甚少無罪者庾斃牽累者破家冤慘情狀不忍親聞爲民牧者誰非來自民間設身處地何以堪此即使不能懷遠例限亦豈盡泯天良卽如大理院承審春阿氏一案現已延至年餘尙未斷結京師如此外省可知方今朝廷體恤民瘼修訂法律正汲汲以恤刑保民爲務若此等舊例所有之事尙不能實力奉行更何望其剷除弊根一新吏治乎特此剴切嚴諭法部大理院暨各省督撫著卽通飭所屬各員凡有自理暨承審上控京控案件均須隨到隨訊虛衷研鞫秉公定斷務令案限結清嚴定考核勸懲之法京師大理院審判官及外省有司各局必須選擇惻怛明決之員使充此任經此次通諭之後尙仍疲玩不憐殘民以逞一經被人參劾控告除將承審之員從嚴懲辦外定將該堂官督撫一併懲處斷不姑寬欽此 初十日

上諭紹英現在出差度支部左侍郎著瑞豐署理欽此○諭旨步軍統領兩翼總兵應得養廉銀兩均著加恩按照十成發給欽此○旨廕生德愷著以文職用松壽著以文職用熱河都統衙門筆帖式員缺著長齡補授欽此○旨分發陝西試用道如柏安徵試用知府張輝直隸試用知府馮濟忠四川試用知府承志甘肅補用同知趙國珍福建補用同知童慶梅直隸試用同知姚鴻達北河試用同知王禹鋆湖北試用同知馮鈞廣西試用同知姜鎮藩貴州補用知州陸德滋甘肅試用通判張傳霖湖南試用通判唐晟甘肅試用直隸州州同段堯燁四川試用直隸州州同丁耀奎直隸補用知縣高文才宋渭春湖南補用知縣恆麟江西補用知縣王樞斗山西試用知縣閻杰河南試用知縣臚士莪居鳳標言同爵陝西試用知縣林啟閣佐同甘肅試用知縣閻權新疆試用知縣虞文炳浙江試用知縣林紹源江西試用知縣王珍湖北試用知縣王希曾余善祥湖南試用知縣秦文珂唐應瑩四川試用知縣顏楨駱增王增瑞徐熾雲南試用知縣高

觀光貴州試用知縣戴永貞張殿甲嚴鍾琛直隸試用布庫大使袁緒鈞河南試用布庫大使趙燦新疆試用布庫大使稽應瑞福建試用布庫大使龔行健廣東試用布庫大使曹典從江蘇試用運庫大使馬鴻恩廣東試用運庫大使郭建瀛兩淮試用鹽大使趙鶴齡山西試用鹽大使李錦堂浙江試用鹽大使程汝恆謝承珪福建試用鹽大使岳邦翰兩廣試用鹽大使王學淵四川試用鹽大使胡嘉行史光華李紹漢湯希禹均堪以照例發往欽此 十一日

上諭湖南布政使著莊慶良補授欽此○上諭湖南按察使著陸鍾琦調補陳慶麟著調補江西按察使欽此○上諭湖北按察使著楊文鼎調補常裕著補授貴州按察使欽此 十二日

上諭吏部左丞著寶銘轉補孫紹陽著補授吏部右丞吏部左參議著毓善轉補吳敬脩著補授吏部右參議欽此 十三日
上諭三月十四日祭 先農壇朕親詣行禮欽此 十四日

上諭直隸天津道員缺著齊耀琳調補呂珮芬著補授永定河道欽此○上諭楊士驤奏按察使因病呈請開缺一摺直隸按察使陸嘉穀著准其開缺欽此○上諭吉林巡撫著朱家寶補授欽此○上諭黑龍江巡撫著周樹模署理欽此○

上諭程德全奏因病懇請開去署缺一摺暫署黑龍江巡撫程德全著准其開去署缺欽此○上諭直隸按察使著何彥昇補授徐撫辰著補授山東登萊青膠道欽此 十七日

上諭江南狼山鎮總兵員缺著李祥格補授欽此○旨杭州織造仍著彬格接管毋庸更換欽此 十九日
上諭據外務部奏籌議禁煙與各國商定辦法暨另籌抵補藥稅各摺片鴉片煙盛行以來流毒異常慘烈染斯疾者破

其財產天其壽命習為偷惰職業全廢即各直省吞煙自盡之案歲計不知凡幾盜賊訟獄因此滋繁傷天地好生之心殊堪悲憫且令神州古國種類日弱志氣日頹自強更復何望近來官紳士庶多知悔悟爭相結社勸戒即素嗜鴉片者

亦未嘗不痛心疾首自怨自艾各國善士尚多倡設公會勸禁弋買廣施藥方每以中國鴉片不除引為深憾則身受其害者應如何淬勵奮發力拔根株前經降旨頒布禁煙章程期以十年使洋藥與土藥同時禁絕現經英國政府允許分年減運各友國亦多樂為協助文明之舉嘉慰良深英國現已實行遞減相約試行三年視中國栽種吸食實行減少限滿再為推減我若不如期禁查轉瞬三年何以答友邦政府之美意何以慰各國善士之盛心此機一失時不再來若永遠困於沈痼勢必無以為國我君臣上下一念及此能無愧悚難安引為疚責著民政部度支部迅即會訂稽核章程嚴定考成請旨頒行一面責成各督撫按照政務處奏定成案督飭所屬切實舉行並體察該省情形將減種減食實在辦法先行奏聞所有按年減少數目每屆年終彙奏一次其藥稅指抵各款由度支部另行籌補以備應付事關國勢強弱民命壽夭著內外臣工協力通籌認真辦理無論如何為難必期依限斷絕毋得稍涉因循致干重咎餘依議欽此

二十一日

上諭達壽著回京供職改派李家駒充考察憲政大臣欽此○旨蔭生松年著以侍衛用毓連著以七品筆帖式用汪殿孫著內用內閣侍讀員缺著海溥補授內閣中書員缺著善魁補授截取繁缺知府外務部郎中李清芬著照例用欽此○旨擬補內閣中書殷濟劉晉榮江瑞麟理藩部筆帖式魁星保補授山東聊城縣知縣陳慶蕃擬補吏部主事恩明均堪以准其補授保舉陝西候補道傅世煒直隸補用知縣吳威麟均堪以照例用原案開復前四川崇慶州知州寶震堪以准其開復原官仍發原省照例用奏留吏部學習郎中秦敦世學習主事隨勤禮張稱達均堪以准其留部欽此

一日

上諭陳啟泰奏特參庸劣不職各員請分別懲處一摺江蘇川沙廳同知陳家熊抗阻公事居心叵測海州直隸州知州恩芳性情乖謬不治輿情高郵州知州江朝銘才力竭蹶措置乖方前署泰州候補直隸州知州胡維藩愚而自用諱盜

諭旨

二十三

戊申

飾非深陽縣知縣劉佐宸借賑漁利貪詐病民六合縣知縣李樂善嗜飲玩公諸事廢弛鹽城縣知縣席伯連闖冗無能御下不嚴前署泰興縣候補知縣劉思勤貪庸溺職積案太多署甘泉縣候補知縣陳元鑄處事顛預沾染習氣候補知縣游毅之素性鑽營不知檢束均著即行革職劉佐宸案關災賑情節較重著永不敘用元和縣知縣吳鏡流精力頹唐難膺民社著勒令休致靖湖廳通判梁書祥遇事卸難期振作新陽縣知縣王熙宇性質粗疎不諳吏治均著以縣丞降補儀徵縣知縣陳誠才識庸懦文理尚優著以教職歸部銓選准補武進縣知縣芳鎮查無下落久曠職守著即行開缺餘著照所議辦理該部知道欽此 二十二日

上諭張鳴岐奏甄別文武各員據實舉劾一摺廣西凌雲縣知縣唐祖澍署太平府知府委用知府張育麒署奉議州知州補用知縣金寶善百色廳同知彭言孝臨桂縣知縣張祖寅署象州知州准補靈川縣知縣廖廷銓署籐縣知縣准補永福縣知縣陳仲賓均能盡心民事著傳旨嘉獎候補知府倪光熊侵擄學款屢追不繳著革職仍勒追繳款補用知府石德芬文學尚優心不在事著勒令休致前上林縣知縣彭家桐識字無多吏治廢弛試用知縣羅錫章貌似有才利心極重試用知州陶家端識見平庸老而愈滑平南縣知縣吳寶書性情乖張緝捕廢弛署新甯州知州試用知縣金作唐興學禁煙諸多粉飾天河縣知縣楊家珍聽斷糊塗因循不振署永淳縣知縣試用知縣張廣瀛事多敷衍聲名平常前署桂平縣知縣試用知縣吳寶球才識平庸緝捕不力前辦潯州統稅准補明江同知黃慶譽失察司巡因商舞弊前辦恩隆統稅補用知縣吳邦縱庇司巡人言嘖嘖籐縣知縣劉滄道治事疲軟嗜好甚深陽朔縣知縣丁燾慶岑溪縣知縣丁夢松均玩忽學務泄沓性成前署東蘭州知州試用知縣易振興苛罰濫刑既貪且酷南丹土州同知文翰利心甚重聲名惡劣前署向武土州判試用府經歷譚永幹藉名募練私收牛規武宣縣廊鎮巡檢李鴻鈞辦事粗率候補巡檢黎

錦濤鑽營取巧試用巡檢陳道濟被控有案試用典史朱維新心術狡詐籐縣訓導劉朝翰卑鄙固陋均著即行革職易振興情節較重並著發往新疆効力贖罪兼帶慶防營試用通判雷文銳缺額冒餉玩忽防務前署宜山縣知縣候補知縣王懋修操守難信物議沸騰桂平縣大黃江巡檢劉濬元膽大嗜利試用從九胡敬宗嗜賭牟利試用典史孫宇斗行止有虧均著革職永不敘用胡敬宗孫宇斗並著交原籍地方官管束容縣知縣陳毓璋子姪用事不洽與情貴縣知縣李彝坤體弱多病久曠職守永淳縣知縣陳品金閱歷太深遇事取巧均著開缺勒令休致署天保縣知縣試用知縣梁駿猷出身營伍不諳吏治前署昭平縣知縣揀發知縣周尙煊弛於約束憚於巡緝署龍英土州州同候補知縣李輝台習染已深難期向上均著勒令休致前統綏靖軍廣東水師參將宋尙傑驕蹇可誅勇敢可取著以守備降補餘著照所議辦理該部知道欽此二十四日

上諭李家駒著以內閣學士候補欽此二十六日

上諭度支部奏請令各廠暫行停鑄銅元一摺現在京外銅元日益加多民間減折行使銀價愈貴物價愈昂前經發款減價收買銅元仍見充斥未收實效著照所請京外各廠暫行停鑄數月俟銅元價值稍平查看市面情形再行復鑄餘著照所議辦理欽此○上諭四川順慶府知府員缺著汪鳳梁補授欽此二十七日

上諭瑞良奏親病未痊額請開缺一摺江西巡撫瑞良著准其開缺留京當差欽此二十九日